

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

264. Ad quæ sine dispensatione promoveri possint illegitimi religiosi.

---

[urn:nbn:de:hbz:466:1-74477](#)

risdictionem spiritualem ordinariam secus est de habentibus Superioritatem, & potestatem solum delegatam, & ad arbitrium Ordinarii Superioris amovibilem, Suar. de relig. c. 5. num. 12. Sanch. l. 5. in decal. c. 5. n. 56. Peyr. loc. cit. n. 135. quia officia sunt Abbatis, Generalis, Provincialis, ordinarii Superioris locales, sive vocetur Prior, sive Guardianus, sive Praepositus, sive Rector. Sixtus V. in cir. bull. Suar. to. 4. de relig. tr. 8. l. 2. c. 6. nu. 12. Mirand. to. 2. q. 23. a. 8. n. 8. Lambert. de jurepat. p. I. l. 2. q. 7. a. 11. n. 14. Pall. loc. cit. n. 154. Peyr. loc. cit. n. 153. Extendendumque hoc ad officium Parochi Ecclesie Regularis, ita ut religiosus illegitimus nequeat esse illius parochos. c. ut filii, & c. proposuit. de filiis presbyt. ordinand. V. non ord. Rebuff. in praxi benef. tit. de dispens. super nat. nu. 68. Peyr. loc. cit. Pall. n. 156. Item ad officium diffinitorum, utpote importans cum aliqua dignitate jurisdictionem aliquam (saltem dum sunt in actuali diffinitorio, quod sufficit Pall. n. 157.) dum nimisrum diffinitoris capituli Generalis vel Provincialis leges condunt, Pralatos inferiores instituant, errantes puniunt &c. Peyr. & Pall. II. cit. contra Sanch. in sum. l. 6. c. 18. n. 66. & Sigism. à Bonon. dub. 69. n. 3. secus est de discretis, procuratoribus ad Capitulum Generale purè electoribus. Pall. loc. cit. Item ad officium visitatoris, & Commissarii missi à Generali vel provinciali, & Vicarii provincialis, saltem hoc absente à provincia, è quod licet jurisdictionem solum delegatam habeant, possintque re integrâ ad nutum Superioris delegantis amoveri, sit tamen superior potestate ordinariâ Superiorum localium Sylv. V. Pralatus. n. 3. Mirand. Rodriq. &c. apud Pall. nu. 159. qui tamen idipsum negare potius videtur. Item ad eos, qui solum ad interim pro tempore vacantia statuuntur Superiores ordinarii, Unde etiam illegitimus esse non poterit Vicarius Capitularis in vacantia Episcopatus, è quod potestas ordinaria sit de genere perpetuorum, & superior Ordinarius non sit ad nutum amovibilis, sed duret per se usque ad terminum à jure statutum Pall. n. 160. contra Sylv. loc. cit. & Rodriq. p. I. q. 13. n. 20. id negantes, è quod hæc Superioritas sit transiens, & per se temporalis, cum tamen ad officium, ad quod eligi nequit illegitimus, requiratur, ut per se loquendo, & spectato jure communis sit perpetuum. Argumento. c. constitutus. de filiis presb. quales adhuc sunt Prioratus, Rectoratus; eti per accidentem & ex speciali jure non sint perpetui, sed durant fere ad triennium tantum. Item ad confessarios Monialium, si habeant simul jurisdictionem externam, & verè sint Ordinarii, & superiores locales illarum. Mirand. & Pall. II. cit. Item ad Vicariatum generale Episcopi, cum sit dignitas, & quidem extra ordinem cum auctoritate judicis Ordinarii, etiam supra superiores Ordinarios, nempe parochos. Sanch. in decal. loc. cit. nu. 16. Majol. de irreg. l. 1. c. 10. n. 3. Sayr. loc. cit. c. 1. num. 3. Peyr. loc. cit. q. 2. c. 5. n. 135. Barb. ad c. 1. de filiis presb. n. 8. & ita quidem, ut per Superiores regulares in hoc religiosus dispensari nequeat Sanch. Rodriq. II. cit. Item ad munus Abbatissæ, & Priorissæ cit. c. I. Lott. l. 2. q. 48. n. 214. ( ubi etiam ex Felin. in c. menuimus. de accusat. n. 4. quod in ordine ad hoc cum tali illegitima dispensare nequeat Episcopus. ) Suar. de relig. loc. cit. & de Cens. loc. cit. f. 5. num. 15. Sanch. in decal. l. 3. c. 5. num. 19. Navar. in man. c. 27. n. 201. Barb. ad cit. c. 1. n. 7. Fagn. in c. ut filii, de

filii presbyterorum à n. 38. & seq. etiam fusè diluens objecta in contrarium Gl. Jo. And. & Arch. in c. indemnitatis. cont. Rodriq. loc. cit. n. 11. & Mirand. tr. de Monial. q. 6. a. 3. male citantem pro se Felin. & plures alios; habent enim tales vere Prælaturam, & dignitatem, c. indemnitatis. de Elect. in 6. & ibi Gemin. not. 3. Bartol. in l. 1. c. de dignitatibus. num. 43. Bald. in l. femin. ff. de reg. juris. n. 10. & alii apud Fagn. loc. cit. num. 38. Et licet textus juris citetur verbis masculini generis dicendo: filii presbyterorum, & catenati ex formatione: comprehenduntur tamen & feminæ; in dispositione enim legis masculinum respicit femininum, l. ff. de reg. juris. Decius ibid. n. 108. quod locum habet, etiam si materia sit odiosa & penal is Cynus & Odofrid. in l. quicunque de servis fugitivis. Decius loc. cit. & alii apud Fagn. loc. cit. n. 40. Masculinum enim prolatum à Canone puniente crimina (uti in praesente jura puniunt crimen parentum in filio illegitimo Gl. in c. fin. in 6.) feminas comprehendit Fagn. n. 47. Et ubi materia æquè convenit mulieribus, ac viris, monachorum nomine veniunt etiam Moniales. Decius loc. cit. n. 10. Fagn. nu. 41. praesertim, dum eadem est ratio, ut est in praesente, nempe suspicio imitationis paternæ, incontinentia, quæ major est in femina Fagn. n. 43. usque ad 46. Denique ad ea munia & officia regularium, si quæ forte ex instituto hujus vel illius ordinis illegitimos arceant. de quo vide Pall. loc. cit. num. 160. & 161.

*Quæstio 264. Ad quæ sine dispensatione promoveri possint religiosi illegitimi?*

1. Respondeo primò: ad ordines sacros. c. ut filii. de fil. presb. Barb. ibid. n. 2. Peyr. loc. cit. n. 133. Sanch. in sum. l. 5. c. 5. n. 9. Azor. loc. cit. c. 3. q. 1. & alii cum communi. Nec obstat morus proprius Sixti V. in quo reddendo illegitimos inhabiles ad ingressum in Religionem, videtur derogâste huic religiosorum privilegio; nam hoc iterum reduxit ad terminos juris communis & antiqui Gregor. XIV. in Confut. circumflexo. de anno 1591. statuendo, ut qualescumque illegitimi ad habitum & professionem religiosam admittantur. Fagn. ad c. ut filii. de fil. presb. n. 18. vide Suar. de Cens. loc. cit. Pall. n. 146. Porro intelligendum hoc ita, ut non per solam habitus religiosi susceptionem, multò minùs per educationem in religione, ut voluit Rodriq. loc. cit. sed per professionem ( aut etiam per vota simplicia in societate emissâ post biennium Novitiatû Suar. loc. cit. ) tollatur hæc inabilitas ad Ordines sacros. Franc. & Barb. in cir. c. 1. Navar. Sanch. Suar. Azor. II. cit. & alii apud Pall. n. 147. Extendendum augem ita, ut si validè professus deinceps vel dimittatur, etiam in perpetuum, ex Ordine, posse absque olla alia dispensatione in susceptis Ordinibus ministrare ( quod verum est, eti ante professionem talis illegitimè Ordines suscepisset. Barb. loc. cit. Pall. nu. 149. citans Sanctarel. Variar. resol. q. 39. nu. 8. ) aut necdum suscepsero suscipere. Sanch. in sum. loc. cit. Suar. de Cens. loc. cit. f. 5. Barb. loc. cit.

2. Respondeo secundò: promoveri quoque possunt de jure communi ( quidquid sit de statutis aliorum Ordinum, de quo vide Pall. cit. c. 25. num. 160. & 161. ) ad officia Vicarii localium superiorum Ordinariorum, Magistri Novitiorum, & concionarii, sacrificia, lectoris, Prædictoris, etiam Generalis,

ralis, Magistri in Theologia Peyr. loc. cit. Nav. l. 1. conf. 6. de fil. presb. Sylv. V. Prelatus q. 3. quin & ad Gradum Doctoralem in Theologia. pass. lo. cit. quia nec propriè est dignitas. Bald. in l. ex eo. de mil. testam. nec personatus, quia dignitas & personatus debent esse beneficia Ecclesiastica pass. ibid. nec jurisdictionem ullam importat.

**Questio 265.** Num hactenus dicta de inhabilitate illegitimarum tam secularium, quam regularium applicanda quoque sent dubie illegitimis?

**R**espondeo primò: negativè quoad illos, de quorum legitimitate dubitatur ex eo, quòd nesciatur eorum pater & mater, ut sunt communiter secretè expositi Barb. de off. Episc. alleg. I. n. 152. Menoch. de præsump. l. 6. c. 54. nu. 10. Mascard. de prob. concl. 799. Peyr. loc. cit. n. 136. Pass. n. 168. Castrop. t. 2. tr. 13. d. 4. §. 1. n. 9. Dian. p. 4. tr. 2. resol. 58. Salas p. 2. tr. 8. d. unica. s. 24. n. 246. Sayr. loc. cit. c. 10. num. 39. Pont. de marr. l. 11. c. 9. omnésque illi, qui in genere tenent, nullum esse cendendum irregularem in dubio facti extra casum homicidii. contra Majol. de irreg. loc. cit. l. 1. c. 11. num. 1. Ugol. de off. Ep. c. 44. §. 7. Paxjord. l. 10. cit. 18. num. 30. Garc. p. 7. c. 1. n. 9. Suar. loc. cit. s. 4. n. 4. qui tamen fere omnes afferunt responsionem nostram esse probabilem, idque solum videntur velle, tutius esse, tales expositos petere dispensationem, quam etiam in hoc casu concedere posse Episcopum, tenet Suar. contra Paxjord. apud Pass. Ratio responsionis est primò, quia nemo dicendus est irregularis, nisi de quo jus id exprimat, ut id non facit de ejusmodi expositis, quin potius contrarium innuit, dum in dubio onus probandi aliquem esse illegitimum rejicit in opponentem c. lat. & c. pervenit, qui fil. sint leg. Secundò quia in dubio sumenda est conjectura, quæ delictum excludit, tales autem haberi nequeunt illegitimi, nisi supponatur delictum parentum. Tertiò, quia in præjudicium innocentis non licet in dubio conjecturam sumere ab eo, quod verisimilius est, & plerūmque inept. Sed neque in contrarium facit, quod parentes talium propter id ipsum, quod exponant filios, censeantur infames; nam propterea innocens non est infamis, quòd parentes illius, exponendo illum, redditu sunt infames. Neque l. vulgo concepti. ff. de statu hominum &c. habens illos pro spuris, qui patrem certum demonstrare nequeunt; cum loquatur de casu, in quo certa est mater, & incertus pater. Porro idem dicendum de eo, de cuius legitimitate dubitatur, quia mulier asserit, eum non ex se genitum, sed suppositum esse, dum is habitus alias ab ea secundum famam publicam, ut verus naturalis filius, & ipse habuit eam ut veram matrem; non enim tunc tenetur is credere illegitimum, quidquid in contrarium asserat Suar. loc. cit. n. 8. ex eo, quòd mater non præsumatur negare verum filium, quamdiu aliunde non constat de odio illius erga illum, vel amore nimio erga alium; sufficit enim hoc odium, & hunc amorem posse adesse; nec ad extirbandum aliquem ex possessione filiationis habita per annos sufficit unitus mulieris dictum Pass. num. 176.

2. Respondeo secundò: negativè quoque de iis, quorum mater ejusque verum conjugium certum est; non enim tenetur filius credere se illegitimum,

etsi mater etiam in mortis articulo juret se filium concepisse ex adulterio, quia est tantum unus testis patiens exceptionem muliebris conditionis & infamia, nemo autem ex uno teste, etiam accidente fama potest judicari illegitimus. Rota coram Puteo deci. 77. num. 8. l. 2. ex Bald. & Decio apud Pass. n. 170. imò si insuper constet de adulterio matris, quin etiam peperisse eam extra domum mariti in loco suspecto, modò ea tempore conceptionis cohabitaverit marito non incepto ad generandum; nescit enim ipsa ex cuius commixtione conceperit, & quamdiu filius potuit generari ex marito, præsumitur generatus ab illo l. miles. ff. de adultr. Navar. loc. cit. Less. de just. l. 2. c. 10. dub. 7. n. 51. Peyr. loc. cit. c. 5. n. 159. Laym. l. 3. tr. 3. p. 3. c. 14. n. 1. Menoch. de arb. centur. 1. c. 89. n. 28. Mantica de conjec. ult. volunt. l. 2. tit. 14. n. 87. imò si insuper restetur maritus se tempore conceptionis abstinuisse ab uxore, nisi id prober, vel propter absentiam, infirmitatem, vel quid simile. l. filium. ff. de his, qui sunt sive vel alieni iur. Abb. in c. per tuas de probat. num. 3. cui consentit Pass. loc. cit. n. 175. præsumitur enim filius, qui de aliquo uxore est genitus. Navar. confi. 1. nu. 5. de fil. presb. vide Menoch. loc. cit. &c. ita quidem, ut simul prober matrem extra illud tempus ex se non potuisse concipere, quod difficile erit, cum signa prægnanciæ ab initio valde incerta sint, & de his marito constare non possit, nisi ex relatione uxoris, & tempus, quo proles gestatur in utero valde diversum sit, possintque esse aliquando mens septem, aliquando duodecim, & quatuordecim; Nec hucusque dictis obstat c. transisse, qui fil. sint leg. dum enim ibi dicitur, standum esse dictis patris & matris, nisi aliunde contrarium constet, controversia non erat de filio, quem natum esse ex tali muliere certum est, sed de cuius ipsa nativitate incertum erat. Pass. n. 176. Quòd si tamen testimonium patris & matris talibus fulciretur circumstantiis, & adminiculis ipsi filio notis, et si ea coram judge probari non possent, ut cogarent filium ad credendum in conscientia, se esse illegitimum, teneretur is se habere ut illegitimum Suar. de cens. d. 50. s. 4. Covar. l. 2. p. 4. c. 8. §. 3. num. 2.

3. Respondeo tertio: negativè quoque quoad eos, quorum pater & mater certi sunt, & tantum incertum est, num sint, vel tempore conceptionis filii fuerint veri conjuges, ex eo, quòd postmodùm drecto impedimento dubitetur de eorum bona fide habita tempore conceptionis, vel etiam quod dubitetur de ipsa substantia matrimonii, quia peregrini sunt vel quòd parentes ipsi fateantur se non esse vel fuisse veros conjuges. Nam quod primum ad habendum aliquem pro illegitimo, non sufficit matrimonium inter parentes fuisse nullum, sed requiritur fuisse quoque contratum mala fide; mala fides autem non præsumitur, nisi probetur arg. c. pervenit. ibi Abb. n. 1. Covar. loc. cit. n. 1. Sed nec ad hoc, ut filius in conscientia teneatur se habere pro illegitimo, sufficit confessio, etiam ultronca utriusque parentis, cum delinquentum confessio valeat contra illos, non autem contra tertium innocentem, nisi sit administrata externis indicis Pass. nu. 179. contra Suar. loc. cit. s. 4. n. 10. Quoad secundum ex eo, quòd parentes sint peregrini & ignoti, non debet in iis præsumi delictum vel fraus (quamvis tales filii, nisi ferant testimonium baptismi, & quòd nati sunt